

DEILI DIVOSENAL

ISIU

3

Julae
2021

GudNius

DEILI

FRI

I NO BLONG MAN I SALEM
OL PATNA BLONG MIFALA OLI
PEM DIVOSENAL IA FINIS SO
MAN I SAVE GIVIMAOT FRI

GUDNIUS WE I KAM LONG WAN KANTRI WE I STAP FARAWE, HEM I OLSEM KOLKOL WOTA LONG WAN MAN WE I TESTI (PROVEBS 25:25)

Uebert & BeBe
ANGEL



Become a **GoodNewsWorld** PARTNER



PARTNER NOW AND HELP SPREAD
THE **GOODNEWS** AROUND THE WORLD

VISIT www.goodnewsworld.com/partner



UEBERT & BEBE ANGEL

Wetem plante yia we tufala i bin spendem long fultaem ministri, Uebert mo BeBe tufala i ol feswan blong developem mo lidim ol vois we oli stap problemem Gud Nius blong gres blong God (Gud Nius) mo ol profetik toktok raon long wol.

Bitwin tufala, tufala i ol raeta we nem blong tufala i stap insaed long ol list blong ol top raeta, mo tufala i raetem Faet blong Spirit, Intimasi, Ol Preia Bank, Supanajuro! Paoa blong Man we i Bilif, mo ol narafala buk olsem. Ol man raon long wol oli stap askem Uebert and BeBe Angel blong toktok long ol konfrens, mo olsem ol wol lida, ol man oli lukluk antap long tufala from visen, fasin blong developem ol niu tingting mo karej blong tufala. Olsem ol faonda blong Gud Nius Jej (Spirit Embasi), mo folem wok blong tufala olsem profet, tufala i influensem laef blong milien man raon long wol tru long strong disaea blong winim ol sol tru long reveleisen blong Gud Nius blong gres blong God (Gud Nius).



Proverbs 4:23

Kadem evri tingting mo filing blong yu long evri saed mo wetem evri paa blong yu; from se evri isiu long laef we i stap afektem yu oli kamaot long hat blong yu.

Maen blong yu hem i doa blong hat blong yu. So sipos yu tingting blong kadem hat blong yu, yu no ting se ples we i moa gud blong yu stat long hem hem i maen blong yu? Hemia hem i minim se yu mas kadem maen blong yu, ol tingting blong yu, mo proses blong tingting blong yu. Rimemba se Baebol hem i talem se wan man hem i olsem tingting we hem i kat long hat blong hem. Putumaot ol rabis samting long maot blong yu; no letem ol korapt toktok i kam klosap long maot blong yu. Hemia wantaem hem i wei we kora-

psen hem i kam insaed long hat blong yu. Letem ol ae blong yu oli lukluk i ko stret, mo putum lukluk blong yu long fored blong yu. Taem God i kivim yu Wod blong Hem abaot laef blong yu—wok blong yu, mared blong yu, ol Pikinini blong yu, ol faenans blong yu, o eni samting—no lusum daereksen blong Hem. No talem ol rong samting o toktok aotsaed long wanem we God i bin talem abaot yu. Talem Wod blong Hem mo lukluk i ko stret long fored blong yu. No letem eni samting hem i muvum yu aotsaed long wanem we God i talem abaot laef blong yu, mo bambae yu kamaot wetem wan testimony. Rimemba se hat blong yu hem i risponsibiliti blong yu.

PROFETIK DEKLEREISEN

Mi mi hu we God i talem. Mi kat wanem we Hem i talem se mi kat, mo tete mi stap muv long wan level blong glori i ko long narafala level blong glori. Mi mi wan sakses long Kraes, mo evri samting hem i wok tuketa blong gud blong mi, long nem blong Jisas!

MOA STADI
Romans 12:2

**2 Korintiens 8:9**

Yu save olsem wanem Lod Jisas blong yumi hem i kat fulap lav mo kaenes: nomata we hem i rij we i rij, yet blong helpem yu, hem i mekem hem i kam pua we i pua, blong mekem se yu save kam rij.

Afta we yu bon agen, poveti hem i wan samting we yu nomo save akseptem long laef blong yu. Mi save se i kat sam man we oli biliv se ol Kristian oli shud be ol pua man, be hemia hem i from se oli no andastanem gud ol Skripja. Poveti hem i no absens blong mani o ol narafala nesesity blong laef we man i nidim. Rili se hem i fasin blong ridiusum mental paa blong man. Evri welt long wol ia hem i blong yu sipos yu bon agen. Taem we yu akseptem trut ia long spirit blong yu mo alaoem blong hem i domineitem fingting blong

yu, bambae hem i kivim yu wan niu maenset. Bambae hem i imposibol blong yu wokbaot long poveti. Baebol hem i talem se Jisas hem i kam pua blong mekem se, tru long poveti blong hem, bambae yu save kam rij (2 Korintiens 8:9). Hem i no bin tekem nomo ol sin blong wol ia be ol ifek blong sin tu, we wan long hem hem i poveti. Hemia hem i risen from wanem evri Kristian i mas talem no long poveti. So, no letem mo no alaoem laef blong poveti; yu no liv olsem wan viktim.

PROFETIK DEKLEREISEN

Mi mi joen wetem Kraes blong inheritim ol samting, wol ia hem i blong mi, mo i kat evri samting we i gud. Mi liv long wol blong supaabandens; laef blong mi hem i pruv blong lav mo greis blong God. Haleluya!

MOA STADI

1 Korintiens 3:21

**Ifisiens 1:3**

Blesing i ko long God mo Papa blong Lod Jisas Kraes blong yumi, we hem i bin blesem yumi wetem evri spirijul blesing long ol hevenli ples long Kraes.

God i kivim yu Hemwan finis, Kingdom blong Hem, mo everi samting! Taem yu kam insaed long Kraes, evri samting hem i blong yu. I nomo kat eni samting we Hem bambae i kivim long yu from se yu mo Hem yutufala tuke-ta i inherita blong evri samting. So, yu no nig blong strakel. Enjoem laef blong yu long Kraes. Yumi ridim long opening ves blong yumi se yumi kasem blesing blong evri spirijul blesing mo evri hem i minim evri samting we yu save nidim. I nokat wan samting hem i left aot. Notisim se Hem i blesem yu finish (notisim se hem i stap long past tense), i no afta we yu fast o pre from. Hem i hapen finis.

Stop blong stap strakel wetem helt blong yu, ol greid blong yu mo ol faenans blong yu. Stop strakel insaed long maen blong yu, mo jusum laef blong rest. (Asaea 26:3). Fasin blong "straev" long preia blong mekem se bae Hem i fulfilim ol promes blong Hem, hem i wan yusles efot. Liv folem Wod long Spirit. Bambae yu diskaverem se evri samting we yu eva wantem hem i stap long rod we Hem i kivim blong yu wokbaot long hem. Blesem Nem blong Hem foeval!

PROFETIK DEKLEREISEN

Mi wokbaot long laet blong Wod blong God. Mi save ol bigfala provisen we Papa hem i putum i stap blong mi, mo mi enjoem olketa kasem mak. Haleluya!

MOA STADI

Romans 12:2

**Matiu 6:31-32**

So no wari wan pis se bae yu kat inaf kakae o no mo klos...Papa blong yu long heven i save gid finis se yu nidim ol samting ia.

From wanem nao bae wan man we i ridim ol toktok blong Jisas finis be bae hem i kontinu blong wari abaot enisamting? Hem i awea abaot evri samting we yu nidim blong kat wan ekselen laef. So, no letem yu wan yu wari abaot ol niufala klos we yu nidim, o ol niufala toy we yu wantem.

Sipos yu faenem se yu stap wari abaot eni samting, ketap mo talem aot laod se, "Mi rifius blong wari!" Afta ko insaed long Baebol blong yu mo stat ridim mo mediteit long Wod blong God. Yu luk, samting we bambae hem i stopem fasin blong wari hem i taem man i mediteit long Wod blong God. Baebol hem i talem se, "No wari abaot eni samting, be long evri samting, tru long preia mo saplikeisen putum ol rikwes blong yu i ko long God."

iteit long Wod blong God. Baebol hem i talem se, "No wari abaot eni samting, be long evri samting, tru long preia mo saplikeisen putum ol rikwes blong yu i ko long God."

Notisim ol brata mo ol sista, se hem talem se yu no wari abaot eni samting. Hemia i minim se i nokat ol spesel keis we yu save wari abaotem from hemia hem i wan big wan. Wan taosen taem no! Stanap long Wod mo rifius blong wari!

PROFETIK DEKLEREISEN

Mi nokat eni wari from se hat blong mi hem i beis long Wod. Mi ovakamem Setan finis, wol, mo evri situeisen, from se Wan we i moa bigwan hem i stap insaed long mi. Haleluya!

MOA STADI

Filipiens 4:6-7

**Mak 11:23**

From mi talem stret long yu, se man we i talem long maontem ia, se yu kamaot, mo yu ko long solwota; mo bambae hem i nokat daot long hat blong hem, be bambae hem i bilivim ol samting ia we hem i talem bambae oli happen, bambae hem i kasem wanem we hem i talem.

God i talem se bambae yumi kasem wanem we yumi talem. So wanem we yumi wantem kat, we save talem nomo afta bambae yumi kat. Sori nomo, se fulap taem bae ol man oli stap talem ol samting we oli no wantem, we hem i mekem se oli stap long stret ples we oli no wantem stap long hem.

Fulap biliva taem oli stap pre, oli stap bisi blong talem long God abaot big-

fala saes blong problem blong olketa we oli shud stap lukluk maonten blong olketa mo talem saes blong God blong olketa. Nomata wanem maonten blong difikolti we yu kat, sipos hem i wan maonten blong kaon o wan siries helt problem, taem yu jusum blong talem gud nius blong greis blong Gos ova long evri situeisen, yu stap putum yu wan finis long wan ples blong luk wan mirikel.

I no mata wanem we i luk olsem se i ded o oli berem long laef blong yu tete. Taem yu jusum blong talem gud nius nomo, yu stap tap i ko insaed long paa blong God, mo evri maonten bambae hem i muv.

PROFETIK DEKLEREISEN

Tete mi jusum blong talem laef ova long famli blong mi, ova long bisnis blong mi. Paa blong God i stap mekem evri samting i wok tuketa blong gud blong mi, long Nem blong Jisas!

MOA STADI

Romans 10:10

**Asaea 58:8**

Afta bae laet blong yu bae i kamaot olsem moning, mo helt blong yu bambae hem i kam gud kwik taem: mo raejesnes blong yu bambae i ko bifo yu; glory blong Lod bambae hem i riwod blong yu.

Long laef blong yu ia, yu stap rikret mo stap tingting se, "Sipos nomo..." Sipos nomo mi bin ko long kolej...Sipos nomo we mi bin maredem raet gel...Sipos nomo we mi bin tekem narafala wok ia...Sipos nomo we mi no bin mekem stupid mistek ia...

Oi samting we oli bin hapen long pas laef blong yu oli stap stilim joe blong yu tete? Sipos olsem be foketem pas blong yu! God i fokivim yu long ol sin blong yu finis. Hem i fokivim yu fulwan mo diklerem se, "Oi sin blong yu mo ol

wok blong yu we oli no folem loa, bambae mi nomo rimbarem."

Skipja blong yumi blong tete hem i talem se glori blong God bambae hem i folem yu bihaen olsem wan kad. Weaples yu ko, glory blong Hem i kavremap pas blong yu. Hem i nomo semak pas we yu save from se glory blong hem i foldaon long hem finis. Pas blong yu hem i pas blong yu. Oli waepemaot finis. I ko finis! So nomo letem pas blong yu hem i stilim joe blong yu blong tete!

PROFETIK DEKLEREISEN

Mi wan niu man long Kraes; evrisamting hem i kam niu finis. Mi no save eni samting we i stap akensem mi. Laef blong mi hem i haed long Kraes, haleluya!

MOA STADI

2 Korintiens 5:17; Hibrius 10:17



Hibrius 11:1

Nao feit hem i sabstens blong ol samting we yumi stap hop blong kasem, hem i evidens blong samting we yumi no luk.

Feit hem i wan sabstens. Hem i no jes wan tingting; hem i wan evidens. Taem yumi tokbaot feit, hem i ril ol brata mo ol sista, mo Baebol i singaotem se hem i evidens.

Sipos mi faenem ol fosil blong wan daenaso, ol fosil ia oli no wan ril daenaso. Olketa oli evidens blong eksistens blong wan. Naoia mi kat prof se samting ia hem i ril. Hemia nao i mekem se feit i neva save feil. Hem i taetel did blong ol rialiti we yumi no save luk. Taem yu mediteit long Wod blong God, evidens blong hiling blong yu i stap kam tuketa.

Feit hem i wan spirijool instrument we i save mekem eni samting i hapen blong yu. Yu kat risponsibiliti blong mekem laef blong yu long wei we yu tingbaot. Ol sekomstans blong laef blong yu we yu no krietem oli no impoten long sakses o viktri blong yu. Feit hem i viktri long Nem blong Jisas!

PROFETIK DEKLEREISEN

Feit blong mi hem i viktri we i ovakamem wol. Mi mi bon, i no long rapis sid, be mi bon long sid we i nokat toti long hem mo i nokat samting i save afektem – Wod blong God we hem i liv mo i stap foeva.

MOA STADI

Romans 12:3



1 Pita 1:23

Yumi bon agen, be i no aot long sid we i rapis, be aot long sid we i gud, long wod blong God we i laef mo i stap fo-eva.

Taem yu risivim Wod blong God, yu risivim laef blong wanem we hem i tokbaot. Wanem we yu stap harem long God hem i sid blong wanem samting we hem i tokbaot we bambae i hapen long yu, o blong yu. Tekem olsem ek-sampol, taem yumi prij mo tijim divaen hiling, man we i harem hem i risivim sid blong hiling, mo i produsum hiling mo helt.

Semak tu, taem we yumi tijim Wod blong God long sabjek blong ol faenans, hem i produsum sid blong ol faenansol blesing mo mirikel. Hemia hem i paa blong Wod blong God! Kristianiti

hem i no rilijen.

Jisas Kraes hem i Wod blong God we i kam flesh (Jon 1:14). Yumi tu yumi bon agen long semak sid (Wod). Hemia nao yumi ridim long opening ves blong yumi. Yu kat semak laef olsem God hemwan, from se yu bon long Wod—sid blong God we i nokat samting i save distroem.

PROFETIK DEKLEREISEN

Mi mi bon aot long sid blong Wod we i nokat samting i save koraptem; so, Wod hem i holem laef blong mi. Mi neva save feil long laef ia. Mi stap mov long wan level blong glori i ko long narafala level blong glori long Nem blong Jisas!

MOA STADI

Jon 1:14

**Ifisiens 4:7**

Be evriwan long yumi, yumi kasem greis folem mesa blong gif blong Kraes.

Yumi evriwan yumi bin kasem greis blong eksel long laef ia. Grik toktok we oli transleitem i kam greis long skripja blong yumi tete hem I "charis" we hem i rut blong Inglis toktok ia "charisma". "Charis" hem i rifea long divaen influens long human spirit we i riflekt aotsaed long laef blong wan man, we i produsum feva, biuti, gudwil, lavlines mo ability. Hem i glori blong God long spirit blong yu, we i riflekt long aotsaaed. Greis ia hem i mekem feva mo glori i fulap long laef blong yu. Greis blong God long God long laef blong yu hem i divaen ability insaed long yu blong yu kat sakses long evri wok. Mo yu mas kro long greis ia: "...Kro long greis, mo long

nolej blong Lod mo Sevia Jisas Kraes..." (2 Pita 3:18). Greis hem i pawa blong promosen. Hem i samting we i mekem laef blong yu i muv long wan level i ko long narafala level. Hemia hem i from wanem ol Skripja oli stap wonem yu se yu mas kro long greis. Evri Pikinini blong God hem i kat fulap greis (Romans 5:17), be digri we yu alaoem greis ia blong shaen aot long yu hem i dipen nomo long yu. Moa yu fulumap hat blong yu Wetem Wod blong God mo kat Holi Spirit long laef blong yu, bae greis we i bigwan moa bambae i show long laef blong yu.

PROFETIK DEKLEREISEN

Lod hem i posisenem mi blong spirijuol laef tru long greis blong Hem. Promosen hem i blong mi. Abiliti blong mi hem i kam long God, haleluya!

MOA STADI

Romans 5:17

**Matiu 15:26 -27**

Be hem i ansa mo i talem se, hem i no stret blong tekem bred blong ol pikinini, mo sakem i ko long ol dok. Mo hem i se, I tru, Lod; be yet ol dok oli stap kaka ol pispis bred we oli stap foldaen long tebol blong masta blong olketa.

This is one scripture that many try to avoid in their sermons. Jesus was not worried about being politically correct like many of us today. He blatantly called this woman, who was begging him to heal her daughter, a dog. But that's not even the point here. I want you to see something else.

Notice the Lord's response to the woman, "I cannot take the children's bread and give it to dogs." Wait a minute, Jesus calls healing the children's bread. In other words, the same way that you

and I always make sure that we provide bread for our children every day, the power of God is always present to heal. As much as your own son has the right to ask for bread when he is hungry, we can call on the name of the Lord and receive healing today.

Healing belongs to you today. Your father has already made the provision for you to be made whole. I rebuke every illness that is attacking your body in the Name of Jesus. I command that cancer to leave in the mighty Name of Jesus!

PROFETIK DEKLEREISEN

Mi risivim hiling blong mi long nem blong Jisas. Siknes i nokat ples long bodi blong mi; mi wokbaot long divaen helt stat long dei ia tete i ko!

MOA STADI

1 Pita 2:24

**Ifisiens 2:6**

Mo hem i reisemap yumi tuketa, mo i mekem yumi staon tuketa long ol hevenli ples long Kraes Jisas:

Long Kristianiti, koling blong yumi hem i no blong faetem devel. Setan, devel, hem i enemi blong yumi, be hem i lus finis! Hem i kasem jajmen finis, mo yumi nao yumi kat otoriti blong eksekutem jajmen blong hem!

So yumi no faetem hem; yumi eksekutem sentens we oli pasem finis long hem. Hem i pat blong heritej blong yumi long Kraes: "Blong eksekutem jajmen we oli raetem finis llong olketa. Hona ia evri seint blong Hem oli kat. Preisem God!" (Sam blong Devid 149:9).

Long John 16:11, Jisas hem i talem se, "rula blong wol ia hem i kasem jajmen."

Hemia hem i minim se Setan hem i kasem sentens finis. Haleluya! Yu kat responsibiliti blong kipim Ssetan long ples we hem i sapos blong stap long hem—andanit long lek blong yu! Hemia hem i from wanem Baebol hem i talem blong kastem hem aot! Yu no strakel Wetem Setan; yu jes kastem hem aot.

PROFETIK DEKLEREISEN

I nokat wepen we i fom akensem mi bambae hem i prosa. I nokat ivel bambae hem i hapen long mi. Wan taosen bambae hem i foldaon, mo ten taosen long raet han blong mi, be bambae hem i no kam klosap long mi, long Nem blong Lod Jisas.

MOA STADI

Sam blong Devid 149:9; Jon 16:11



1 Teseloniens 5:18

Long evrisamting yu talem tankio: from hemia hem i wil blong God long Kraes Jisas konsenem yu.

Tanksgiving hem i rilisim paoa blong God blong stat blong wok insaed long laef blong yu. Notisim se skripja i no talem se yu talem tankio from evrisamting be hem i talem se "long" evrisamting. No mata wanem yu feisem long laef, yu mas stap tankio i ko long God, from krae i save kohed long naet, be joe i kam long moning.

Yu no sapraes se iven Wetem ol samting we yumi nidim long ol laef blong yumi, God i wantem se yumi ko long Hem wetem wan atityud blong tanksgiving blong wanem we yumi stap askem?

Neva mekem enemi hem i klad wetem tingting ia se hem i win blong mesemap dei blong yu. Hem i tru long tanksgiving we ol brektru blong yu oli stap long hem.

PROFETIK DEKLEREISEN

Tete mi kat viktri long evri situeisen we bambae mi feisem. Preis blong mi hem i kat paoa blong bringim mirikel blong mi. Mi no wari!

MOA STADI

Ifisiens 3:20

**Luk 15:20**

Mo hem i raesap, mo i kam long papa blong hem. Be taem we hem i stap farawe yet, papa blong hem i luk hem, mo i kat sori, mo i ran, mo i ko foldaon long nek blong hem, mo i kisim hem.

Long parabol blong prodigal san (Luk 15:11-24), papa i no bin talem wan toktok se boe blong hem ia i lusum o westem ol samting blong hem, nomata we boe blong hem hem i bin rili westem inheritens blong hem long wan laef we i no stret. Papa blong hem only samting we hem i luk hem i boe blong hem i kambak hom mo naoia hem i kat janis blong shoem hem hamas hem i lavem hem, mo putum bak hem long wanem we hem i bin lusum. Osem papa insaed long parabol, hem i disaea blong hevenli Papa blong yu blong hem i hagem yu mo shoem yu hamas hem i

lavem yu. Mo hem i gud plesa blong hem blong restorem wanem we yu bin lusum i kam bak long yu. Hem i no mata wanem we yu bin lusum long past o wanem ol mistek we yu bin mekem; God i wantem restored yu i ko long stret posisen blong yu. Hemia nao hem i from wanem hem i talem se bambae mi restorem bak ol yia we kangka wom i bin kakae. Hem i save putum bak tuketa rileisensip ia we i bin feil mo rivaevem ol bisnis mo faenans blong yu we i stap foldaon. Gud Nius hem i God bambae hem i no panishim yu from pas blong yu, be hem i wantem shawarem yu wetem ol blesing blong Hem tete. Bes samting bambae hem i kam yet!

PROFETIK DEKLEREISEN

Pas blong mi bambae hem i neva save holem bak mi. Mi mi transform long wan level blong glori i ko long neks wan. Mi tekem bak evisamting we enemi i bin stilim long maeti Nem blong Jisas!

MOA STADI

Joel 2:25

**Romans 5:20**

Mo tu loa i kam, blong mekem se sin bambae i kam moa. Be weaples sin i inkris, greis i inkris i ko bigwan moa.

Apostol Pol i bin stap prijim greis blong God long wan wei we i ko stret long poen mekem se ol man oli no andastandem gud hem mo oli akium hem se hem i stap talem long ol man blong oli ko sin moa blong mekem se greis bae hem i ko moa. Be no, hemi no olsem.

Pol hem i neva talem se, "Yumi sin moa blong mekem se greis bae hem i kam moa." (Afta, mi tu mi neva talem olsem). Sin hem i ivel, mo i lid i ko long ol rabis risal. Be yu notisim logn skripja blong tete wanem nao hem i stap mekem sin blong i inkris?

Ridim skripja blong tete bakegen. Pol i talem i klia we i klia se loa hem i kam blong mekem se sin bambae hem i kam moa. Hemia hem i minim se taem yu pikjim loa moa, sin bambae hem i kam moa. Aot long evri-samting, paoa blong sin hem i loa (1 Kor 15:56). So, taem yu luk sin mo yu prijim loa moa, yu stap putum wud i ko long faea! Stik long Gud Nius, mo greis bambae hem i kam moa!

PROFETIK DEKLEREISEN

Greis hem i sevem mi, mo mi save mekem evri samting tru long Kraes. Sin i nomo kat paoa ova long mi. Haleluya!

MOA STADI

Romans 7:8

Beverly Angel

C O R E 1 0 0
B e B e A n g e l

CORE 100 IS AN EXCLUSIVE MEMBERSHIP PROGRAM BY PROPHETESS BEBE ANGEL FOR LADIES FROM ALL WALKS OF LIFE WHO HAVE ONE THING IN COMMON – A DESIRE TO GROW IN THEIR KNOWLEDGE OF JESUS!

TO JOIN CORE 100 VISIT

WWW.BEVERLYANGEL.ORG



UEBERTANGEL
MinisterialAssociation

UAMA IS AN EXCLUSIVE MEMBERSHIP PROGRAM BY PROPHET UEBERT ANGEL FOR
PEOPLE FROM ALL WALKS OF LIFE WHO HAVE ONE THING IN COMMON –
A DESIRE TO GROW IN MINISTRY

TO JOIN UAMA VISIT

WWW.UAMA.CO



Romans 5:8

Be God i demonstreitem lav blong Hemwan long yumi tru long hemia; Taem yumi sina yet, Kraes i ded from yumi.

Mi stap ia blong talem long yu se God i lavem yu wetem wan evalasting laef mo i nokat toti i blokem hemia. Lav we hem i kat blong yu hem i nokat kondisen long hem (Taetas 3:3-5 NASB). Hem i wan lav we hem i pua we i pua, i nokat spot long hem, mo hem i maveles. Hem i nokat eni samting we i rilet long pefomens blong yu, be evrisamting we i riet long yu hem i stap long ol ae blong Hem.

Jusum blong bilivim raet abaot olsem wanem God i lavem yu tete. Hem i mekem evri difrens long wol long weta yu stanap bakegen long tufala lek blong

yu hariap o slo, o ko long wan lvel blong feit i ko long narafala wan mo long wan level blong strengt i ko long narafala wan. Heveli Papa hem i lavem yu we i lavem yu. Rili se, Baebol hem i talem se taem yumi sina yet, Kraes hem i ded from ol sina man.

Hamas moa nao we yu wan niu krija long Hem? Letem hemia hem i kam konfesen mo maenset blong yu. Yu yu pikinini blong lav blong Hem!

PROFETIK DEKLEREISEN

Mi wan difren kaen tresa blong God, mi bon agen wetem supajurolo laef blong glori, ekselens mo paoa long spirit blong mi!

MOA STADI

Taetas 3:3-5



2 Korintiens 4:13

Yumi we yumi kat semak spirit, folem wanem we oli raetem i stap, mi biliv-im, mo i mekem se mi talem; yumi tu yumi biliv, mo mekem se yumi talem samting;

Hem i no inaf blong yu, blong yu jes save Wod nomo long hat blong yu. Yu mas talem. Taem olsem bae paa we hem i haed ia bae hem i kam ril. Taem Lod Jisas blong yumi hem i ko tru temteisen long wildenes, Hem i no jes tingbaot skripja nomo. Hem i talem aot laod.

Yu save memoraesem taosen skripja, be sipos yu no lanem blong talem, "Oli raetem se," mo rilisim Wod, bambae i no kat paa. Paa blong God hem i stap, be hem i stap silip nomo insaed long yu. Taem we yu talemaot, hem i

olsem we God i stap toktok. Toktok blong God insaed long maat blong yu hem i olsem we God i stap toktok. Amen!

Ol brata mo ol sista fasin blong bilivim Wod hem i gud, be hem i no inaf. God i kivim maat blong yu long yu blong yu yusum blong setem kos blong laef blong yu. Tete yu yusum Wod blong tekem eni samting we i no stap folem plan blong God blong laef blong yu, blong i kam bak long Wod blong God.

PROFETIK DEKLEREISEN

Evri samting hem i stap wok tuketa from gud blong mi. I kat aplifting long ol faenans, wok, bisnis, famli blong mi mo evrisamting we i konsensem mi, long Nem blong Jisas!

MOA STADI

Ifisiens 6:17

**Jenesis 13:2**

Mo Ebram hem i bin rij we long buluk, long silva mo long gol.

Mi mi glad we se God i difaenem wan bae wan ol rijes blong Ebrahim. God i mas luk finis se bae i kat wan jene-reisen blong ol man we bambae oli akiu se Hem i akensem ol man blong Hem blong oli eksperiensem faenansol saksas. So Hem i talem i klia long Wod blong Hem se Ebrahim hem i bin rij we i rij long laevstok, silva, mo gol. Ebrahim hem i no jes rij long spirijual saed.

Ol brata mo ol sista, God hem i no akensem yu se bae yu no mas kam rij, be samting we Hem i akensem hem i fasin blong letem rijnes hem i kam god blong yu. Oltaem God hem i kivim yu mani wetem wan misen mo prosperity wetem wan pepes. Hem i blesem yu,

mo taem yu kasem blesing, yu save kam wan vessel blong blesem ol narafala man.

No lavem mani mo yusum ol man. Yusum mani blong lavem ol man. Putum i stap long hat blong yu oltaem se God i wantem yu blong kat faenansol saksas mo blong yu kat moa bitim inaf blong blesem ol narafala man!

PROFETIK DEKLEREISEN

Mi mi ovafla wetem ol divaen blesing. Blesing ia hem i mekem se mi prosipa long evisamting we mi mekem. Mi mi olsem wan tri we oli planem long saed blong riva blong ol wota.

MOA STADI

Provebs 10:22



2 Korinikels 20:15

... Yu no mas fraet o no glad long big-fala maltitud ia, from batel hem i no blong yu, be hem i blong God.

Taem enemi hem i kam akensem Judah, oli bin krae krae sori i ko long God. I luk olsem se oli lusum evri samting bifo oli iven ko blong faet. Ol enemi blong olketa oli plante moa bitim olketa, mo oli nokat janis blong win. I luk olsem se oli nokat hop nomo.

Be taem God i tenraon mo i talem se, batel ia hem i no blong yu be hem i blong Mi. Yu no nid blong faet. Enemi hem i jekem ol samting finis mo i karem ol soldia blong hem we oli wokbaot long hek mo ol hosman we hem i nidim blong winim Judah. Be wanem we hem i no ekspektem hem i we Jehova Hemwan hem i stap redi blong ko long

batel.

I nomata se ol faenans blong yu oli no stap long wan gud level o wanem ripot blong dokta i talem abaot helt blong yu. God Hemwan hem i stap kam blong faet long bihaf blong yu, hem i set finis, mo yu stap win. Hemia hem i from wanem Baebol hem i talem se, "Evritaem hem i mekem yumi win long Kraes." Hem i save tanem ol faenans blong yu, hilim bodi blong yu, mo restorem marej blong yu. Yu yu konek long mirikel blong yu naoia. Risivim long Nem blong Jisas.

PROFETIK DEKLEREISEN

God hem i wan presen help long taem blong nid mo hem i mekem mi stap win long evri situaisen.

MOA STADI

Joshua 1:5

**John 1:14**

Mo wod hem i kam flesh, mo i dwel amang long yumi, mo yumi luk glori blong Hem, mo glori ia hem i olsem blong bigoten blong Papa, we i fulap long greis mo trut.

Taem Jisas i bin stap wokbaot long et ia, Hem i bin manifesteisen mo ful ekspresen blong lav blong God mo blong krieisen blong Hem. Skripja blong yumi blong tete hem i talem se hem i fulap long greis mo trut. Naoia, nomata we Lod hem i nomo stap wokbaot amang long yumi long flesh, mi gat gud nius blong yu.

Semak Wod ia hem i bin kam flesh long ol dei blong ministri long et ia mo i no iven lusum wan pis paoa mo greis. Yu save stil eksperiensem flesh blong Lod Jisas mo rilet long hem tru long Wod

blong Hem. Sipos yu filim se ful wol hem i akensem yu naoia, Wod blong Hem hem i talem se bambae Hem i neva livim yu o leko yu. Yu sik tete long bodi blong yu? Wod blong Hem i proklemem se "tru long ol kil blong hem, yu kat hiling."

Hem i no mata wanem yu nidim tete, greis blong Hem hem i inaf blong yu. Taem yu stap ko tru long Wod blong God tete, greis bambae hem i stap kam blong brekem evri adiksen, blong hilim evri hat we i brok long nem blong Jisas!

PROFETIK DEKLEREISEN

Greis blong God hem i inaf blong mi. Mi save mekem evri saming tru long Kraes we i strengtenem mi! Wan we i stap insaed long mi hem i moa paoaful bitim hemia we hem i stap long wol. Haleluya!

MOA STADI

Romans 8:3-4



Ifisiens 5:18-19

Yu no drong long waen, we i kat ekses, be fulumap yuwan wetem Spirit. Toktok long yufala wan wan wetem ol sam mo ol him mo ol spirijuol singsing, singsing mo mekem melodi long hat blong yu i ko long Lod.

God hem i mekem bigfala paa i avelebol long biliva. Yu kat paa blong mekem ol jenj mo karem ol ansa i kam long wol ia. Blong talem stret, yu yu laet long dak mo korapt wol ia. Laet blong yu hem i shud shaen blong ronemaot daknes mo bringim Heven i kam long Et.

Be yu mas fulumap yuwan wetem Spirit blong yu save kasem hemia. Wan stret wei we yu save mekem hemia hem i blong toktok long yuwan longn ol sam

mo ol him, mekem melodi i ko long God. Bambaie spirit blong yu bambae hem i mov mo bambae eneji bambae hem i kam bak bakegen.

Yu no harem gud mo yu diskarej tete? Yu save mekem wan samting abaot hemia. Yu no iven nidim eni narafala man. Yu save toktok long yuwan long ol sam mo ol him. Yu save steremap yu wan long spirit taem yu prei long tang mo yu mekem melodi long hat blong yu i ko long God. Taem yu mekem hemia, dipresen bambae i nokat jois be hem i mas leko yu nomo. So hed ia i mas ko long Nem blong Jisas!

PROFETIK DEKLEREISEN

Mi save mekem evri samting tru logn Kraes we hem i strengetenem mi. Holi Gos hem i supajajem mi blong mi ovakam tete long Nem blong Jisas!

MOA STADI

Aks 6:8



Romans 6:13

No lefem ol memba blong yu olsem ol instrument blong anraejesnes i ko long sin: be sarendarem yufala i ko long God, mo olketa we oli laef long ded, mo ol memba blong yu olsem ol instrument blong raejesnes blong God.

Taem yu yu bin wan sina, fasin blong sin hem i isi nomo blong mekem mo klosap hem i kam otomatik nomo. Evri-samting abaotem yu hem i anda long sin. Naoia we yu sev mo yu wan pikinini blong God, yu save sarendarem evri memba blong yu long semak wei i ko long raejesnes. Naoia yumi slev blong raejesnes. Yu luk, hem i jalenjing blong man i liv blong God, be hem i no naf. Wanem yumi nid blong mekem hem i blong sarendarem yumi i ko long greis blong Hem mo alaoem aedentifi we yumi kat long hem blong i flo aot

long wan najurol wei. Taem yumi sarenda long paoa mo eneji blong raejesnes, bambae yumi faenem se bae yumi stap mekem ol samting we God i glad long hem. Tingbaot ol Baebol stori blong ol man we Spirit i bin foldaon long olketa, olsem Samson. Oli bin mekem ol bigfala samting rom se ol memba blong olketa oli stap andanit long influens blong Spirit. Semak olsem olketa, bambae yumi mekem ol bigfala samting taem yu yumi sarendarem yumi i ko long raejesnes mo alaoem niufala neja ia blong lidim yumi. En risal blong hem hem i laef.

PROFETIK DEKLEREISEN

Mi mi pikinini blong God naoia. Wanem we i bin stap kivim paoa long sin long laef blong mi hem i ded naoia. Naoia mi mi wan seven mo slev blong raejesnes. Maen, tang blong mi mo evri samting blong mi hem i anda long influens blong greis. Mi no strakel be mi stap soem God-kaen laef. Tankio Papa!

MOA STADI

Romans 6:12-22; Judges 14:5-6



Hebrews 13:6

Mekem se yumi save talem wetem strong fingting se, Lod hem i helpa blong mi, mo bambae mi mi no fraet wanem we ol man bambae oli mekem long mi.

Taem yu ko tru long ol taem we i had we i had long laef blong yu, sapot, lav mo kea blong famli mo ol fren blong yu bambae hem i absen.

Yu save kat asurens oltaem se i kat Wan we taem bae yu ko long Hem, bambae Hem i neva dinaem yu help blong hem. Lav blong hem hem i bigwan moa mo i dip moa bitim solwota. Hat blong hem hem i redi oltaem blong welkamem yu, mo ia blong hem hem i lisen oltaem long ol preia blong yu. I nokat narafala man moa be hemia hem i Holi Spirit, Kamfota mo Stanbae blong yumi.

Mekem wan disisen tete blong trastem Hem long evisamting we i rilet long laef blong yu Hem i klosap moa long yu bitim ol klos we yu stap werem raet nao. Bambae hem i no leko yu, mo bambae Hem i neva livim yu.

PROFETIK DEKLEREISEN

Mi faenem wan feifful Fren long Jisas Kraes. Mi sarendarem mi-wan long hem mo laef blong mi bambae hem i neva semak bakegen.

MOA STADI

Romans 4:21



Hosea 4:6

Ol man blong mi oli distroe from oli nokat nolej ...

Problem blong yu we hem i bigwan moa naoia olsem wan biliva hem i no se yu nidim dilivarens be hem i problem blong nokat nolej, i no anointing, i no paoa be nolej! Devel hem i no problem blong yu. Hem i save hao blong tek advantej long iknorens blong yu.

Entrens blong Wod blong God hem i bringim laet. Bambae yu kat help ol-taem taem yu save gud nius blong Wod blong Hem. Yu kat Ekstraodineri Stratejis long kona blong yu.

Pol i talem se yumi no iknoren long ol divaes blong enemi. Tete, yu amem yu-wan wetem Gud Nius blong Wod blong God. Ol faenans blong yu bambae oli

nokat jois be blong kam in laen wetem Wod blong God. Stom long marej blong yu bambae hem i mas stop taem yu stat wokbaot logn wisdom blong God. Tingting strong blong no liv wan laef we yu no save ol promes mo Gud Nius blong God long laef blong yu tete.

PROFETIK DEKLEREISEN

Bambae mi no iknoren long ol promes blong God blong laef blong mi. Taem mi kontinu blong harem Gud Nius blong greis blong Hem, mi stap jenj long wan level blong glori i ko long nara level blong glori.

MOA STADI

Provebs 4:7



Romans 4:17

Olsem we oli raetem, mi bin mekem yu wan papa blong fulap neisen, bifo long man we i biliv, iven God, we i kwikenem ol ded man, mo i singaotem ol samting we oli eksis olsem se oli eksis.

Taem Jisas i luk Simon festaem, we hem blong hem long Grik hem i minim "rid", Hem i jenjem nem blong hem i ko long "Pita" we hem i minim "rok." Be stretawe Pita i kam wan man we hem i kat karakteristik blong wan rok we i strong stebol mo i no save muv? No, hemia i no bin olsem long taem, hem i kontinu blong akt olsem wan rid we i stap bend evri wei we win i blo long hem.

God i no talem yumi blong singaotem ol samting we oli eksis olsem we oli eksis. Wanem nao poen blong talem samting we i stap klia finis i stap? Bambae

hem i no jenjem eni samting. No, God i talem se bae yumi singaotem ol samting ia we oli no eksis olsem se oli eksis finish, afta bambae oli hapen!

Sipos yu stap sik long bodi blong yu tete, stat blong singaotem helt we yu nidim. Sipos yu nidim promosen, openem maot blong yu mo dikrim feva blong God. Evri samting hem i blong yu. Haleluya!

PROFETIK DEKLEREISEN

Ol toktok blong mi oli no odineri; oli fulap wetem divaen enenji, oli produsum wanem we mi sendem blong oli akomplishim. Haheluya!

MOA STADI
Proverbs 18:21



Matiu 6:33

Be festaem yu traem blong faenem kingdom blong God, mo raejesnes blong hem; mo evri samting ia bambae hem i ad i kam long yu

From se hem i isi blong man i last afta mani mo ol samting we mani i save kivim, Lod i establishim wan sistem we prosperity hem i wan pikinini prodak blong fasin blong putum God feswan. Skripja blong yumi tete hem i talem se, "Be festaem yu traem blong faenem kingdom blong God mo raejesnes blong hem; mo evri samting ia bambae hem i ad i kam long yu."

Risen from wanem yumi no mas putum ol tresa blong yumi long et ia hem i from se bambae yumi no letem ol hat blong yumi i kamaot long ol samting blong God. Wan ki blong kasem sakses

long Kingdom blong God hem i blong yumi kat wan eim nomo. Yu nokat paa blong mekem bes blong yu long tu eria longn semak taem. Sipos yu jes putum God mo Kingdom blong Hem feswan long evri eria blong laef blong yu, bambae Hem i adem yu evri welt we yu nidim. Wanem nao hem i moa valiubol o impoten bitim sipos yu save Hem? Lukluk long ol impoten samting fes samting festaem bifo ol narafala samting.

PROFETIK DEKLEREISEN

Prosperiti hem i blong mi long Nem blong Jisas. Mi no save feil. Mi kat laef blong God insaed long mi. Mi atraktem feva mo opotuniti evri dei, long Nem blong Jisas!

MOA STADI

Proverbs 10:22

**Mak 5:34**

Afta hem i talem long hem, Gel, feit blong yu i mekem yu hil; ko wetem pis, mo siknes blong yu i finis.

Hamasa taem nao yu bin harem oli se feit i muvum God? Fulap long ol biliva oli kam blong get yus long tingting ia se oli stap spendem taem blong olketa blong traem blong mekem se God bae hem i mekem wan samting. Be, long ril laef, hemia hem i ko akensem feit. Notisim se samting nomo we woman wetem problem blong glad hem i nid blong mekem hem i blong tajem Jisas. God i neva pre from hem. So mirikel ia i posibol olsem wanem ia? Hem i from se God i provaedem hiling blong hem finis. Samting nomo we hem i nid blong mekem hem i blong eksasaesem feit blong hem mo grabem wanem we hem i blong hem stret. So wanem nao yu nidim long laef blong yu naoia? Mi kat gud nius blong yu. God i mekem i avele-

bol finis. Hem i stap mo i stap wet nomo blong yu pusumaot han blong yu mo grabem! Yu luk feit i no muvum God. I no hem se i stak i stap; yumi ia nao yumi stak. Feit tu i no mekem se God i mekem eni samting. Hem i jes muvum yumi nomo i ko insaed long wanem we God i bin mekem blong yumi long Kalvari 2000 yia i pas finis. Evri samting we yumi nidim blong kat wan miningful laef Jisas i bin mekem finis tru long viktri blong Hem ova long kros mo long grev. Naoia yu olsem wan individual, yu save aksesem mirikel blong yuwan taem yu kat mo yu eksasaesem feit blong yu. Yu save biliv blong kasem samting we yu no biliv se bae yu kasem mo bae yu risivim!

PROFETIK DEKLEREISEN

Mi sevem wan maeti God we wetem hem i nokat wan samting hem i imposibol. I nokat wan samting i had o wan problem we hem i no solvem finis. Mi putum miwan long posisen blong kasem viktri blong Hem mo diklerem viktri long evri batel, long Nem blong Jisas!

MOA STADI

Mak 11:24

**Asaea 55:11**

Wod blong mi we i kamaot long maot blong mi, bambae hem i olsem we mi talem: bambae hem i no kam bak long mi emit, be bambae hem i mekem wanem we mi wantem, mo bambae hem i prosa long wanem we mi sendem blong i ko long hem.

Skipja blong tete hem i rivilim wan eksaeting sikret blong mekem Wod i wok. Yes ia i talem se Wod bambae hem i ko bak long God emit. So Wod ia hem i kam ifektif taem hem i stap ko bak. Wanem we God i talem abaot yu, yu talem i ko bak.

Taem we God hem i talem se bae yu rij, yu talem se, "mi mi rij!" Taem we Hem i talem se yu yu bigwan bitim ol enemi blong yu, yu talem se, "Mi mi bigwan bitim ol enemi blong mi." Wetem ol kil we

Hem i kasem, mi mi hil. Signaot bigwan se, "Mi hil!" No wet from eni samting tete. Yu talem Wod blong mekem hem i wok.

Wanem nao yu nidim tete? Ko insaed long Wod mo stat blong afemem Wod. Mo taem yu sendem i ko bak, paa ia bambae i mekem jenj long situeisen blong yu. Haleluya!

PROFETIK DEKLEREISEN

Wod hem i wok. Mi mi hu mo wanem we God i talem. Mi mi royalty; I nokat wan samting hem i disksarejem mi! Mi kat paa blong mekem welt mo kroem ol tingting blong mi i ko long ol bisnis we i mekem profit. Wetem ol kil blong hem mi mi hil finis. Mi dikri se mi bigwan bitim ol enemi blong mi; i nokat samting bambae hem i stopem ekspansen blong mi long Nem blong Jisas!

MOA STADI

Sam blong Devid 107:19-21



Aks 12:7

Mo, wan enjel blong God i bin kamaot long hem, mo wan laet i bin shaen insaed long prisen: afta hem i kilim Pita long saed, mo i reisemap hem, i talem se Yu ketap kwik. Afta ol jen blong hem oli fol daon aot long han blong hem.

Ol Presiden ol sikiuriti blong olketa we oli kat spesel skul mo oli spesialaes long oli stap protektem olketa long ol kantri blong olketa. From i kat sikret sevis, ol presiden mo ol narafala memba blong sosaeti we ol man oli lukluk olketa antap, oli save wokbaot fri mo oli no fraet blong kondaktem bisnis blong olketa long fulap ples. Yu tu yu kat wan tim blong ol sikret ejen we oli kat fulap ekwipmen mo oli kat hae spesialaeseisen blong kivim sikiuriti mo oli singaotem olketa ol enjel. Ol enjel oli ril, bihaen long wanem we yumi save lukluk wetem najurol ae blong yumi, mo oli stap afektem ol samting long najurol wol. Mo wanem we hem i nam-

ba wan hem i se God i promesem blong alokeitem wan kampani blong olketa blong yu. Olsem wan Kristian, yu kam long Maot Sion we i kat wan kampani blong ol enjel we man i no save kaantem. Long skripja blong yumi blong tete, taem wan enjel hem i araev, ol fisikol jen oli foldaon aot long Pita, mo hem i ronwe long prisen. Nao yu imajinem se yu kat moa long wan enjel long saed blong yu. I tru nomo se i nokat wan samting i save fasem taet yu i stap. I tru nomo se bambae ol samting blong yu bambae oli wok. Taem yu stap ko long bisnis blong yu tete, i kat ol enjel we oli stap long ples we yu nidim yus blong olketa blong oli helpem yu. I kat wan enjel i stap wok long kot kes blong yu, blong mekem se yu win. Wan enjel oli sendem hem blong mekem sua se aplikeisen blong yu hem i ko tru. Nomata wanem eria, bambae i kat wan enjel i kan tru blong karem gud nius i kam long yu.

PROFETIK DEKLEREISEN

Lod, rivilim long mi neks ples we yu odenem se hem i ples blong advansmen blong mi. Mi rifius blong stap long ples we mi no save kro. Mi redi blong jenj; Mi redi blong ko long neks level long laef. Mi talem tankio in advans we yu stap gaedem mi i ko long fruitful ples long wan stret taem. Amen!

MOA STADI: Aks 12:1-10



Jenesis 26:22

Mo hem i kamaot longwe, afta i dikim wan narafala wel; mo from hemia oli nomo raorao: mo hem i singaotem nem blong hem Rehoboth; mo hem i se, Naoia God i mekem rum blong yumi, mo bambae yumi kat frut long graon ia.

Samtaem, taem ol samting oli no stap wok blong yu, hem i wan saen se yu stap long rong ples. I no se evritaem bae hem i olsem from se i kat ol baria we i jes nidim nomo se yu putum moa efot tuketa blong samting i wok. Be taem we yu stap traem koko be ol samting oli no stap wok nomo, ating hem i taem blong yu jenjem lokeisen. Aesak hem i no ko involv wetem ol raorao blong ol Filistaen taem we oli faet wetem hem abaot ol we we hem i bin dikim mo oli rili blong hem. Taem we oli

stap toktok se hu i onem hem i jes mov nomo i ko long wan narafala ples. Yu mas lukaot se yu neva westem eneji, taem mo risos blong yu long ol spirijuol mo fisikol raorao we oli no karem wan fruitful haves long yu. Tjunem yuwan i ko long Spirit mo save wetaem hem i taem blong mov on. Taem yu ko long bisnis blong yu tete, mi prei se God bambae hem i gaedem mo odarem ol step blong yu long Nem blong Jisas. Letem hem i posisenem yu long raet ples long raet taem blong mirikel blong yu. Yu stap win tete!

PROFETIK DEKLEREISEN

Lod, rivilim long mi neks ples we yu odenem se hem i ples blong advansmen blong mi. Mi rifius blong stap long ples we mi no save kro. Mi redi blong jenj; Mi redi blong ko long neks level long laef. Mi talem tankio in advans we yu stap gaedem mi i ko long frufful ples long wan stret taem. Amen!

MOA STADI

Jenesis 26:16-33; Rut 1:22, 4:13



2 Korintiens 3:18

Be yumi evriwan, wetem open feis yumi stap lukluk olsem yumi stap lukluk i ko long wan klas, glori blong God, mo yumi jenj i ko long semak imej long wan level blong glori i ko long narafala level blong glori, folem Spirit blong God.

Taem yu stap lanem blong draev, ol instrakta oli stap askem yu blong kipim ol ae blong yu long ples we yu stap ko long hem, speseli taem i kat trafik i stap kam. Oli talem long yu se sipos yu kipim ol ae blong yu long ol trak we oli stap ron i kam, bambae yu, long wan sabkonses wei, bae yu draev i ko long olketa, afta bae yu kat wan aksiden. Yumi save talem semak samting abaot laef blong yu. Fokas blong yu hem i ditemaenem daereksen blong yu. God i kivim yumi Wod blong Hem blong i daarektem mo lidim yumi long ol rod blong plesantnes mo pis. Taem yu fo-

kas long Wod, yu kam wanem we hem i tokbaot. Yu stat blong eksaasaesem otoriti ova long ol sekemstans. Yu mekem wan impak long ol difren sfia blong laef. Lukluk bakegen long skripja. Hem i talem se yumi lukluk glori mo yumi jenj i ko long semak glori ia! Ril yu hem i wanem we yu luk long mira (Wod blong God). Mo sipos Baebol hem i talem se yu stap lukluk i ko long glori long mira, hem i minim se yu yu glori blong God. Yu destini blong yu hem i no blong difit o majinallaeseisen. No mata weaples yu stap long et ia, yu kat wan neja we man i no save winim. Kipim ol ae blong yu long Wod blong Hem mo wajem laef blong yu i jenj bifo long ol stret ae blong yu.

PROFETIK DEKLEREISEN

Ol ae blong mi oli stap long Wod. Mi rifius blong ol gossip mo ol narafala rabis nius oli distraktem mi. Ol fia blong ol narafala man bambae oli no fidim fokas blong mi. Mi mi stap long wan rod we mi mas folem long Nem blong Jisas!

MOA STADI

Hibrius 12:1-2

**Matiu 4:4**

Be hem i ansa mo i talem, oli raetem se man bambae hem i laef nomo long bred, be folem evri toktok we i kamaot long maot blong God.

Olsem wan pikinini blong God, yu yu no helpless o se yu stap long mesi blong evri sekomstans we i kam long rod blong yu long laef. Blong talem stret, Wod blong God hem i kivim yu masteri ova long ol elemen blong wol ia. Apostol Pol hem i talem se Wod blong God hem i kwik mo paoaful, we i shap moa bitim wan swod we i kat tu ej. Hemia hem i logos blong God. Hemia hem i from wanem, olsem wan Kristian, yu nid blong stap insaed long Wod. Be tete, mi wantem poentem wan samting we bambae hem i wok i ko moa kwik bitim Wod blong God we oli raetem, mo hemia hem i rima blong God. Yu luk,

taem yu mediteit long Wod blong God, mo Wod ia i swelap insaed long spirit blong yu, taem ol situeisen oli kam andap, Spirit blong God hem i save yusum Wod we i stap insaaed long spirit blong yu blong ekwipim yu wetem rima blong God. Hemia hem i from wanem skripja blong yumi blong tete hem i talem se ol man oli no mas laef long bred nomo be folem rima blong God. Hem i wan spesifik wod, blong wan spesifik situeisen, blong wan spesifik man. Risivim rima blong yu tete! Yu stap saksid tete long Nem blong Jisas! Feva hem i blong yu! I nokat siknes bambae i kam fas long bodi blong yu! Tete hem i dei blong yu. Ko aot mo konkara!

PROFETIK DEKLEREISEN

Mi mi bitim wan konkara. Rima blong God hem i stap wok insaed long mi. I nokat wepen we oli mekem akensem mi bambae hem i prosa, from se Wan we i stap insaed long mi hem i moa bigwan bitim hemia we i stap long wol. Tete hem i dei blong mi, haleluya!

MOA STADI; Luke 4:9-12



HAVE YOU RECEIVED JESUS CHRIST YET?

WE INVITE YOU TO MAKE JESUS CHRIST
THE LORD OF YOUR LIFE BY PRAYING THIS PRAYER;

"O LORD GOD, I COME TO YOU IN THE NAME OF JESUS CHRIST. I BELIEVE WITH ALL MY HEART IN JESUS CHRIST, SON OF THE LIVING GOD. I BELIEVE HE DIED FOR ME AND GOD RAISED HIM FROM THE DEAD. I BELIEVE HE'S ALIVE TODAY. I CONFESS WITH MY MOUTH THAT JESUS CHRIST IS THE LORD OF MY LIFE FROM THIS DAY. THROUGH HIM AND IN HIS NAME, I HAVE ETERNAL LIFE; I'M BORN AGAIN. THANK YOU LORD, FOR SAVING MY SOUL! I'M NOW A CHILD OF GOD. HALLELUIAH!"

CONGRATULATIONS! YOU ARE NOW A CHILD OF GOD.

TO RECEIVE MORE INFORMATION ON HOW YOU CAN GROW
AS A CHRISTIAN, PLEASE GET IN TOUCH WITH US ON

UK: +44 3333 448 612

USA +1 240 781 6942

RSA +27 51 004 0209

SCRIPTURE PASSAGE FOR PROTECTION

ISAIAH 54:

14 I AM BUILD SOLID, GROUNDED IN
RIGHTEOUSNESS,
FAR FROM ANY TROUBLE—NOTHING TO
FEAR!
FAR FROM TERROR—IT WON'T EVEN COME
CLOSE!

15 IF ANYONE ATTACKS ME,
I WILL NOT THINK FOR A MOMENT THAT
GOD SENT THEM,
AND IF ANY SHOULD ATTACK ME,
NOTHING WILL COME OF IT.

16 GOD CREATED THE BLACKSMITH
WHO FIRES UP HIS FORGE
AND MAKES A WEAPON DESIGNED TO KILL.
HE ALSO CREATED THE DESTROYER—

17 BUT NO WEAPON THAT CAN HURT ME
HAS EVER BEEN FORGED.
ANYONE WHO ACCUSES ME
WILL BE DISMISSED AS A LIAR.
I AM GOD'S SERVANT SO THIS IS WHAT I CAN
EXPECT
GOD WILL SEE TO IT THAT EVERYTHING
WORKS OUT FOR THE BEST FOR ME."

THIS IS WHAT GOD SAYS TO ME AND
IT WILL NOT FAIL IN JESUS'S NAME!



TheGoodNewsWorld Helplines

USA: +1 (240) 781-6942

UK: +44 333 344 8612

RSA: +27 (51) 004-0209

www.goodnewsworld.com